

هكذا الحب يفتي | 1 | الشيخ الحويني

أبو إسحاق الحويني

ان الحمد لله تعالى نحمده ونستعين به ونستغفره. ونعوذ بالله تعالى من شرور انفسنا وسيئات اعمالنا من يهد الله تعالى فلا مضل له. ومن يضل فلا هادي له. واشهد ان لا اله الا الله وحده - [00:00:00](#)

وحده لا شريك له واشهد ان محمدا عبده ورسوله. اما بعد فان اصدق الحديث كتاب الله تعالى واحسن الهدى هدى محمد صلى الله عليه واله وسلم. وشر الامور محدثاتها وكل محدثة بدعة. وكل بدعة ضلالة وكل ضلالة في النار - [00:00:26](#)

اللهم صلي على محمد وعلى ال محمد كما صليت على ابراهيم وعلى ال ابراهيم في العالمين انك حميد مجيد وبارك على محمد وعلى ال محمد كما باركت على ابراهيم وعلى ال ابراهيم في العالمين - [00:00:56](#)

انك حميد مجيد. اخرج الامام مسلم رحمه الله في صحيحه من حديث ابي هريرة رضي الله عنه قال كنا مع رسول الله صلى الله عليه واله وسلم وفي القوم ابو بكر وعمر - [00:01:16](#)

فقام النبي صلى الله عليه وسلم من بين اظهرنا واقتطع دوننا فخشنا ان يصاب باذى. فانطلقوا جميعا يبحثون عنه عليه الصلاة والسلام قال فجئت حائطا والحائط هو البستان المسور اشتاق عليه السور. قال فالتمست بابا فلم اجد. قال - [00:01:36](#)

ورأيت ربيعا والربيع هو الجدول. ربيع لواء قناة الماء اللي هي بتكون في اسفل الجدار اللي هي داخله على البستان. فاراد ان يدخل من هذه الفتحة من فتحة القناة قال - [00:02:16](#)

فعبزت فحفرت كما يحفر الثعلب او فاحتفتز جمع جمع اطرافه على نفسه كده كما يحتفز السعلب ودخلت فاذا النبي صلى الله عليه وسلم داخل البستان ومسند ظهره الى الحائط فلما رأيته قال ابو هريرة - [00:02:36](#)

قلت نعم يا رسول الله. قال ما جاء بك؟ قلت يا رسول الله قمت بين ظهورنا واقتطعت دوننا وخشنا ان تصاب باذى. فانطلق الناس وفيهم ابو بكر وعمر. اي يبحثون عنك - [00:03:06](#)

قال يا ابا هريرة خذ نعلي هاتين. فاول من القاه خلف هذا الحائط يشهد ان لا اله الا الله موقنا بها قلبه فبشره بالجنة فاخذ ابو هريرة النعلين وكان اول من لقيه خلف الحائط هو عمر ابن الخطاب - [00:03:26](#)

فبشره بالجنة. فضربه عمر. قال فضربني ضربة خررت لستي اي وقع على ظهره قال فرجعت الى النبي صلى الله عليه وسلم واجهشت بكاء اجهشت بكاء يعني على وشك البكاء قال وركبني عمر اي كان في اثري - [00:03:57](#)

فلما رأي رسول الله صلى الله عليه وسلم اي على هذه الهيئة. وقد اجهش بكاء. قال ما لك يا ابا هريرة قلت يا رسول الله هذا عمر بشرته بالجنة فضربني ضربة خررت لستي - [00:04:29](#)

فقال عمر مبادرا يا رسول الله انت قلت لي هذا ان يقول هذا قال نعم. فقال له عمر يا رسول الله خل الناس يعملوا اي انهم لو وصلتهم هذه البشارة وان من قال لا اله الا الله دخل الجنة وكل الناس يقولها سيكفون عن العمل - [00:04:48](#)

خلاص لا اله الا الله يبقى كده ايه؟ قالها دخل الجنة فخشي عمر ان يكتفي الناس بالقول دون الفعل. هذا حديث جليل وفيه فوائد كثيرة ساجتز منها بفائدة واحدة او ثنتين - [00:05:18](#)

الفائدة الاولى وهي القاعدة. التي بينى عليها كل شئ في دين الاسلام. الا وهي المحبة ما الذي جعل الصحابة يعز ويسود؟ وفي كل معاركهم كانوا دون عدوهم لم يكن المسلمون في يوم من الايام ولا في معركة من المعارك يساوون عدوهم لا عددا ولا عدة -

ومع ذلك غلبوا في كل معاركهم حتى في غزوة احد كان ابن عباس يقول ما نصر الله عز وجل وهذا حديث في مسند الامام احمد بسند قوي قال ما نصر الله عز وجل رسوله في - [00:06:19](#)

موضع كما نصره في احد فانكر عليه المنكرون. ازاى ؟ طب ده احد معروف ان هو الرماة تركوا الجبل وآآ خالد بن الوليد. التف على على جيش المسلمين وقتل من المسلمين سبعون. وكسرت رباية النبي عليه الصلاة والسلام انذاك. وقال كيف يفلح قوم - [00:06:36](#) رأس نبيهم فنزل قوله تعالى ليس لك من الامر شيء او يتوب عليهم اي يعذبهم فانهم ظالمون اقالة بيني وبينكم كتاب الله ثم تلا قوله تعالى ولقد صدقكم الله وعده اذ تحسونهم باذنه. والحث هو القتل - [00:06:59](#)

اي اذ تقتلونهم باذنه. ففي كل المعارك انتصر المسلمون. ليه كانوا يحبون هذا الدين محبة تخللت شغاف قلوبهم. وكانوا يزودون عن النبي صلى الله عليه وسلم زود الابطال يعني مثلا لما اشيع ان النبي صلى الله عليه وسلم طلق نساءه - [00:07:25](#)

عمر بن الخطاب طبعا بنته حفصة هي زوج النبي عليه الصلاة والسلام. والخبر اللي وصل ان النبي صلى الله عليه وسلم طلق النساء جميعا يقول عمر بن الخطاب والحديث في الصحيحين - [00:08:02](#)

كنا نتحدث ان غسان تنعل الخيل لغزونا. ملك غسان كان في الشمال الروم. وكان عمال يهدد الايه المسلمين فالمسلمون على اهبة الاستعداد. فجأة يلا الحرب تقوم الحرب حتى ده في تجارة او في زراعة والكلام ده بس هو في التجارة او في الزراعة عارف ان في قتال ممكن يشب في اي لحزة - [00:08:23](#)

وعمر بن الخطاب كان عمل اتفاقية مع جار له من الانصار قال له ايه ايه رأيك آآ انك انت تفرغ نفسك يوم وتقعده جنب النبي عليه الصلاة والسلام طول النهار. اذا اية نزلت تحفظها وتيجي تقولها لي - [00:08:55](#)

اذا قال حديثا تيجي تقوله لي. اذا اتنين اتخاصموا ولا حاجة والنبي صلى الله عليه وسلم حكم بحكم تيجي تقوله لي ونزل شغل تاني يوم اعمل زيك. اجي انا مكانك - [00:09:14](#)

واتفرغ وانت تنزل شغلك واتفقوا على هذا ففي النوبة اللي هي الانصاري كان المفروض يجلس آآ مع النبي صلى الله عليه وسلم طول النهار وعمر بن الخطاب في التجارة او الزراعة بتاعته. جاية من التجارة او الزراعة تعبان فدخل ايه؟ دخل ينام - [00:09:30](#)

بعد ما صلوا العشاء بمدة اذا بطارق يطرق الباب بشدة. فاقام عمر يجرتوبه فزعا. ليه؟ لان مش العادة الواحد يدق الباب بهذه الشدة يعني كأن واحد ملهوف او كأن فيه مصيبة او كده يعني - [00:09:54](#)

اول ما عمر الخطاب يفتح الباب لقي مين؟ جاره الانصاري. قال ما لك؟ اجاء غسان يعني الجيش بتاع الروم دخل علينا ولا ايه قال له لا بل ما هو اهون من ذلك واعظم - [00:10:14](#)

طلق النبي نساءه اكن لما النبي صلى الله عليه وسلم يطلق النساء ده اعظم من ان الروم يدخلوا عليهم ويغزوا المدينة وياخدوها كمان فقال عمر قد كنت اعلم ان ذلك يوشك ان يكون - [00:10:36](#)

اصل نساء النبي صلى الله عليه وسلم قبل كده عملوا قصة. انهم طلبوا النفقة من النبي عليه الصلاة والسلام عايزين ذهب وعايزين الكلام ده. فابو بكر وعمر اقرب اثنان للنبي صلى الله عليه وسلم عرفوا بالحكاية - [00:10:56](#)

فدخلوا اذا على النبي صلى الله عليه وسلم في البيت والنساء حوله وهو ايه مطأطى رأسه في الارض ما لك يا رسول الله؟ قال هن حولي يطلبون النفقة فقام ابو بكر الى عائشة وقام عمرو الى حفصة. كل واحد راح لبنته يضربها يعني - [00:11:14](#)

وقال تسألنه النفقة وليس عنده فكان فيه يعني موقف متقدم. فلما قال له طلق النبي نساءه فعمرو ابن الخطاب الكلام ده كان متأخر فانتظر حتى آآ جاء وقت صلاة الفجر واخذ عليه ثيابه وانطلق الى المسجد - [00:11:41](#)

اول ما دخل المسجد لقي رأى الاتي جماعة من الصحابة حول المسجد بيكون والنبي عليه الصلاة والسلام معتزل في مشربه. مشربة يعني غرفة كده لها باب زي كده. وهو في الغرفة وعلى الغرفة رباح - [00:12:09](#)

هو ايه اللي هو غلام النبي صلى الله عليه وسلم بيحرس الباب عشان ما فيش حد يدخل يعني طيب السؤال يعني طب ده اللي جالس جنب المنبر لماذا يبكي؟ ده لو ابنته طلقت ما بكى - [00:12:30](#)

لو بنت طلقت ما بكي. لماذا يبكي هؤلاء يبكون لتكدر خاطر النبي عليه الصلاة والسلام. مجرد ان هو زعلان غضبان ما يعرفوش يعيشوا الا اذا رأوه كما تعودوا ان يروه يعني كان علي بن ابي طالب يقول اذا اذا احمر البأس كنا نلوذ بالنبي عليه الصلاة والسلام - [00:12:46](#)

طول ما هو موجود ما كنش فيه مشكلة عند حد اطلاقا عشان تعرف الصحابة دول كيف كانت منزلتهم يعني خلبنا احنا كده. النبي صلى الله عليه وسلم موجود معنا. اذا - [00:13:13](#)

المت اية ملة تعتبر محلولة طالما النبي موجود اية ملم يعني شوف اه الصحيحين من حديث جابر ابن عبد الله الانصاري. والصحابة بيحفروا الخندق غابوا ثلاث تيام لا ياكلون اكل خفيف جدا لا يعد اكله يعني. فكان من عادتهم اذا الواحد منهم جاع كان يربط الياه؟ الحجر على بطنه - [00:13:28](#)

بحيس ان هو يسنده انت عارف ساعات الواحد لما يكون ضهري بيوجهه يقوم يعمل ايه؟ سمادة كده. ممكن يحطوا له آآ خشب ممكن يحطوا له حديد. ممكن يحطوا له فايبر. اي حاجة - [00:14:02](#)

يقوم لما يمشي يبقى ايه يبقى ماسك ظهره. فكان الصحابة لما الواحد منهم يجوع ومش قادر يقوم يصلب طوله كده وهيمشي محني لأ يقوم رابط الحجر على ايه على بطنه عشان يقدر يدي له ايه؟ قوة - [00:14:16](#)

فكان الصحابة بعضهم يربط الحجر على بطنه اما النبي صلى الله عليه وسلم فكان رابط تلت حجارة على بطنه وهم عمالين يحفروا في الخندق قابلتهم صخرة كبيرة كده بيكسروها بالفوس ما بتتكسرش - [00:14:32](#)

مين اللي يحل المشكلة دي؟ النبي عليه الصلاة والسلام قال جابر فجنث النبي صلى الله عليه وسلم فقلت يا رسول الله كدية عظيمة حجر كبير يعني لا تعمل فيه المعاون. نكسر فيها النفوس ما بتكسرش. قال فقام النبي صلى الله عليه وسلم معي - [00:14:49](#)

اعرف في وجهه الجوع فامسك به الفأس وقال بسم الله فضربها فكانت اهين ها كتيبا اهلي اتحولت لرملة يعني. اول ما ضربها الضربة دي هو بقى لما شاف النبي صلى الله عليه وسلم في وجهه الجوع قلبه وجعه مع ان هو جعان هو كمان - [00:15:12](#)

بس قلبه وجعه قال يا رسول الله ائذن لي ان اتي البيت فاذن له فذهب الى امرأته قال ماذا في البيت؟ عندك اكل ايه يعني قالت لي ما عنديش حاجة - [00:15:39](#)

هو صاع من شعير الصاع من شعير انت عارف اربعة امداد يعني اربع ايه المد زي كف الالدين كده. اربعة امداد هو ده اللي عندها من الشعير. وآآ ما كانوا - [00:15:55](#)

والكلام الفينو والدقيق ده كانوا بيشفوفوه خالص. النبي صلى الله عليه وسلم ما ياكلوش في حياته. ولا راه بعينه كما قالت عائشة رضي الله عنها قالت مات النبي صلى الله عليه وسلم ولم يأكل خبزا مرققا قط - [00:16:10](#)

مرققة انت عارف الرقاق؟ احنا بنسميها الرقاق؟ اهو ده الخبز المرقق ما كلوش ولا شافوا بعينه. ولا رأى منخلا بعينه. منخل انت عارف اللي بيحلل الدقيق والكلام ده ما شافوش اطلاقا. كان اكلهم ايه - [00:16:28](#)

من الشعير يبجي يدق الشعير ويعملوا فطائر كده ولا بتعملوا قرص كده وبتاع وياكلوه ما عنديش غير صاع من شعير وعناق عناق زي جدي كده صغير يعني قال لها طيب اخبزي دوق بقى الشعير وقام دابح الياه - [00:16:43](#)

ده بحجتي اللي عنده ما هو ما عندوش غير كده على اساس ان ايه؟ قال لها يعني آآ جهزي حالك كده. وانا هاجي انا والنبي صلى الله عليه وسلم واتنين ثلاثة. قالت له لا تفضحني - [00:17:06](#)

برسول الله صلى الله عليه وسلم ومن معه تجيب لي ثلاثين اربعين واحد ولا بتاع الحكاية كلها خمس انفار ياكلوا بس فما تروحش تقول له كده قدام الناس ان انا عازمك على الغدا لأ واشوشه - [00:17:20](#)

ها تيجي في ودنه كده وتقول له ايه انا عندي بس آآ يعني شوية شعير بساط كده وجدي صغير كده على قدنا احنا الاتنين فتعال انت وبعض اصحابك ففعلا جابر قام رايح هناك ووشوشه بقى. في اذن النبي صلى الله عليه وسلم وقال له الكلمتين دول. قال جابر واذا

النبي صلى الله عليه وسلم - [00:17:35](#)

يصيح في اهل الخندق يا اهل الخندق هلموا قد صنع لكم جابر طعام قال فادركني من الحياء ما لا يعلمه الا الله. هياكلوا ايه دول ؟ ده الخندق كانوا الف رجل - [00:17:58](#)

الف رجل بالتمام والكمال فعرق حيروحوا ياكلوا ايه يروحوا قد كده هو وشوية فطائر ولا شوية قرص قال فدرك من الحياء ما يعلمه الا الله على طول النبي صلى الله عليه وسلم قال لهم تعالوا جم ايه كلهم. امرأة جابر ايه طبعا جابر النبي صلى الله عليه وسلم قال له ايه؟ اذهب اليها الى امرأتك - [00:18:16](#)

فمرها لا تخبز حتى اجيب ولا تضع اللحم على البورما في البورمة على النار يعني حتى اجيب جه بقى النبي صلى الله عليه وسلم الف واحد. الست سمعت دب دب دب دب. بتبص لقت ايه؟ الف واحد. هتاكلهم منين دي - [00:18:44](#)

قالت لجابر ايه؟ بك وبك. يعني يبجي ويتحط عليك يعني بالبلد الكلمة اللي احنا بنقولها. ايه اللي انت عملته ده! هو انت مش عارف ان احنا عندنا هي جدي صغير وبتاع الكلام ده - [00:19:06](#)

هل اخبرت النبي صلى الله عليه وسلم بما عندنا من الطعام؟ قال لها ايوة قالت قال فسكنت اول ما قالت له اول ما قال لها ان النبي صلى الله عليه وسلم عارف سكنت بقى - [00:19:20](#)

وهدي قلبها النبي صلى الله عليه وسلم جاء ابن العجين؟ جابوا العجينة ليخبزوه. فبصق فيه وبارك ابن اللحن؟ جيب بالبرمة. فبصق فيها وبارك. اخبره. جاء نساء من الانصار يخبزوا بقى بيساعدوا ما الف واحد - [00:19:34](#)

يقول جابر فاقسم بالله انهم تحولوا وتركوه وكانوا الف رجل وان العجين ليخبز كما ما هو وان اللحم على البرمة كما هو الف رجل يأكلوا من صاع من شعير وجد يأكله الف رجل والعجين زي ما هو. هو الصاع زي ما هو. والبورمة زي ما هي - [00:20:00](#)

فهو يعني الملفت للنظر قول جابر رضي الله عنه لامرأته قال لها هل عندك شيه لقد رأيت الان شيئا ما لي عليه صبر رأيت الجوع بوجه النبي صلى الله عليه وسلم. مع ان هو جائع هو كمان - [00:20:36](#)

لكنه كان اغلى عندهم من انفسهم وما يعملش القصة دي العجينة الا الحب بس. انت بتحب شغلك ستتفوق فيه. وستبدع. تتزق انت مش هتعمل حاجة كل شيه مع الحب ليس فيه كلفة. وليس فيه ثقل. وهي دي مشكلة المسلمين الان. مشكلة المسلمين عموم -

[00:20:57](#)

يعني ونحن منهم ان ان قولنا اكثر بكثير جدا من واقع حبا اباؤنا وامهاتنا لم يعلمونا حب النبي عليه الصلاة والسلام. حتى اللحزة اللي احنا فيها دي تلاقي الولد ده بيصلي ولا بيعمل حاجة ولا اي حاجة. اهم حاجة رحى الدرس - [00:21:30](#)

وياخد الموبايل بتاع الاستاذ ويعرف الواد راح ولا ما راحش لان فيه اولاد بياخد الفلوس يروح يصرفها ياكل بها سندوتشات وما يروحش عند المدرس فيوم الاب ايه؟ يقول لك لأ انا مش هشتغل طاحونة وانت تاخذ لي الفلوس وتلعب بها لأ. فعلى طول خط

ساخن مع الاستاذ الولد طب بيْفهم وما نفهمش - [00:21:54](#)

طب انت بتسأل؟ طب كزا، طب الحكاية طب الرواية وبعدين بعد الحدوتة ده يطلع ياخذ الورقة ويقعد على الرصيف. حصيلة الصيف واسعة دلوقتي وكل يوم بتتسع وبيأخذ ورقة ما لهاش قيمة. والغش في المدارس رسمي - [00:22:13](#)

بس مش مكتوب طبعا ما فيش حد يقدر يكتب لايحة كده ويوزعها على المدارس والغش واجب. لأ هو واجب من واقع الحال من واقع الحال. اصله هيسقطه ليه ما فيش فرص عمل عشان يعمل تنافس ما بينهم الاتنين واللاحق بالوظيفة ياخذها يقوم يذاكر ويتعب

ويسف التراب زي ما احنا كنا بنعمل زمان في المدارس - [00:22:30](#)

فهو يسقطه ليه؟ هو معروف ان هيطلع ما لوش شغل. طب ما تمشيه بدل ما ياخذ كرسي زيادة ويعمل لي مشكلة طب ما يمشي ها ادي له الشهادة وخلص فتبص تلاقي المسألة تدنت. طب الاباء حارقين نفسهم دلوقتي وبيصرفوا الوفاة على الولد دول ليه -

[00:22:52](#)

عشان يطلع ياخذ شهادة وفي الاخر هو عارف انه مش هيشغل. وهيقعد عاطل الا انه يسافر برة بقى ويتغرب والكلام دهوت وبتاع ويشغل في المطاعم ويغسل الصحف والكلام ده والواد ده معه مسلا بكالوريوس علوم ولا معه ملف الليسانس اداب ولا ليسانس

تربية ويغسل صحنون هناك وبتاع والكلام ده - [00:23:14](#)

لكن مسألة ان يراقبه بقى في المحبة مسألة انه يتكلموا في المحبة مسألة انه يتكلموا في محبة الدين والفداء الدين والكلام ده دي

مسألة بكل اسف اصبحت الان نادرة جدا. الصحابة ما قالوش كده. الصحابة كان كل حياتهم - [00:23:34](#)

مع النبي عليه الصلاة والسلام انزل الله عز وجل اية الرجال قاعدين في مجلس النبي صلى الله عليه وسلم والنساء في البيت. فيرجع

الرجال الى النساء ينقلبون يقرأون عليه آيات الله - [00:23:52](#)

في بعض النساء لما كانوا موجودات مع النبي صلى الله عليه وسلم في مجلس لما نزل الامر بالحجاب بستر الوجه والكلام كانوا

رايحين المجلس كده ما فيش امر يعني يا دوكي لافين لفة كده وخلص - [00:24:07](#)

اول ما نزل الامر بالحجاب قطعن مروطهن وهم قاعدين في المسجد قطعنا مروتهن واحتجبن بهن طب ما كانت ممكن تقول لسه الامر

القرآني نازل بس على ما اوصل البيت بس اجيب حاجة البسها - [00:24:25](#)

لأ والقرآن نزل قبل ما تتحرك من مكانها قطعت البتاعة دي ولفت على آ راسها واعتجرتنا الاعتجار تلبس حاجة زي العمامة كده يعني.

كان فيه مبادرة كان هناك مبادرة يشوف مسلا - [00:24:43](#)

من امثلة العجبية على المحبة. وتعرف ان كل حاجة بتخف على المحب. في صحيح مسلم آ من حديث ابي ايوب ابي ايوب

الانصاري رضي الله عنه لما النبي صلى الله عليه وسلم نزل هاجر بقى من مكة للمدينة - [00:25:03](#)

فنظر في دار ابي ايوب الانصاري. دار ابي ايوب الانصاري كانت تتألف من طابقين. الدور الارضي وكان فيه دور فوق. ابو ايوب قال

للنبي صلى الله عليه وسلم اصعد كنا زمان نسيمه مقعد. زمان الاوضة اللي فوق كده نعملها فوق الدار هي اسمها ايه؟ مقعد. قال له

اصعد الى فوق - [00:25:25](#)

فقال له النبي صلى الله عليه وسلم السفلى ارفق بنا يغشاني اصحابي. يعني انا لما اكون في الدور الثاني اي حد هيطي يطلع لي

هيجرح البيت من تحت. فما فيش داعي خليك انت وحريك فوق. واصحابي لما يبجوا هييجوا الدور الارضي فبالتالي مش هيكون

في ايه خدش لايه - [00:25:57](#)

لحرمات البيوت يعني ادي معنى السفلى اي اسفل الدار يعني ارفق بنا ليه؟ يغشاني اصحابي. يبجوا لي اصحابي داخلين خارجين علي

وكده خلاص النبي صلى الله عليه وسلم في الدور الارضي وابو ايوب ايه؟ في الدور الثاني. يقول وفي ليلة - [00:26:17](#)

وبينا انا امشي اذ فزعت. وقلت انا اعلو سقيفة تحتها رسول الله! الله! ده انا رجلي تبقى فوق راسه الله! ازاى الكلام! ازاى ما خدتش

بالي من موضوع زي ده - [00:26:40](#)

قال فان جمعت انا وامراتي في ركن. في ركن كده وحرموا على نفسهم يمشوا طول الليل فوق البيت لما خطر على باله ان النبي تحت

وانا فوق ورجلي على السقف اللي راسه تحتها - [00:27:04](#)

في رواية الطبراني يقول لك وانكسر لنا حب الحب الوزير يعني. فجففته بلحافي انا وامراتي والله ما لنا غيره. خشية ان ينزل قطر

من الماء على رأس النبي عليه الصلاة والسلام. قال وكنت لا اكل المهم آ بالليلة دي عدى وهم من - [00:27:21](#)

ومنكمشين في ركن كده. قال فلما اصبحت نزلت فقلت للنبي صلى الله عليه وسلم والله يا رسول الله لا اعلو سقيفة انت تحتها قط.

اصعد الى فوق. فصعد النبي صلى الله عليه وسلم فوق وابو ايوب ايه؟ خلاه في اسفل البيت - [00:27:46](#)

قال وكنا لا نأكل ولا نشرب الا بعدما يأكل هو ويشرب سنتحري مواضع فمه واصابعه. اكل من الحنطة دي اكل منها شرب من القلة مسلا

ولا حاجة يبقى لسة مبلولة يبقى شرف الحيتان اشرب من نفس الايه؟ من نفس المكان. ها نتحري مواضع فمه - [00:28:06](#)

ومواضع اصابعه قال فارسلت اليه ذات يوم ثوما او بصلا فلم يأكل منه فزعت. انا عايزك بس ايه يعني كلمة فزعت دي تحطها في

مكانها الصحيح. الصحابي لما يقول لك انا - [00:28:30](#)

فزعت بقلبه وقع في ركبته مش زينا احنا لما يقول لك فزعت ويقول لك كمان ايه انا فزعت جدا جدا جدا وهو ولا فزع ولا

حاجة ليه؟ لان جدا الجدانات دي كلها ما لهاش اي محل من الاعراب. انما الصحابي لما كان يقول جه فزعت يبقى ايه؟ يبقى خلاص

قلبه وقع على طول - [00:28:49](#)

لما يقول لك وبينما انا امشي اذ فزعت وقلت انا امشي يبقى فعلا قلبه واقع في رجليه بعث له توم وبصل النبي ما كلش منهم عليه الصلاة والسلام آآ فزع قال بوعي في رجليه برضو - [00:29:12](#)

يكون عمل حاجة غلط ولا حاجة ينزل فيه وحي ولا تنزل فيه اية تبقى عليه معرفتها الى يوم القيامة فكانوا يخافوا من المسألة دي قال ففزعت وصعدت اليه وقلت يا رسول الله انني ارسلت اليك سوما او بصل نعم - [00:29:27](#)

احرام هو قال له لا ولكني اناجي من لا تناجي. اللي هو جبريل عليه السلام. لما يبجي جبريل عليه السلام يدنو منه ويعلمه القرآن وتطلع منه ريحة البصل هيازي جبريل - [00:29:51](#)

عيد جلي لان الملائكة تتأذى مما تأذى منه بنو ادم فقال له هي دي بقى ايه؟ الجملة اللي انا عايز اوصل لها. فقال له لا جرم اكره الذي تكره. حتى برغم انه حلال. هو سأل سؤال احرام هو - [00:30:10](#)

البصل حرام؟ قال له لا مش حرام. بس انا باكرهه ، قال له خلاص انا هاكرهه انا كمان مع انه حلال اهو لا جرم اكره الذي تكره. ودي طبيعة المحب - [00:30:36](#)

ليستحيل ان تجد محبا حقيقيا يؤذي حبيبك. ابدأ ما يعرفش حتى لو حب يمسل قلبه ما يطاوعوش لو حب يعمل اي حركة كده تزعل ما يعرفش يعملها. يعملها ازاى هي دي طبيعة المحب - [00:30:49](#)

انه لا يؤذي حبيبه قط وينفعل لمراضي حبيبه انا حبيبي يبحب كده يبقى انا باحبه. حتى وان كنت ما احبوش وهذا من جملة الوفاء ان ان الواحد لا يؤذي صاحبه. جبريل شف النبي صلى الله عليه وسلم يقول انا اناجي من لا تناجي. جبريل عليه السلام - [00:31:09](#)

ولم يحقق الصحبة من بني ادم. حاشا الانبياء على وجهها الا ابو بكر الصديق هو اللي جاب الصحبة على وجهها مية في المية. مش عمر. عمر ينزل تحت ابي بكر. في المرتبة الثانية. لكن ابو بكر ده حاجة مختلفة - [00:31:36](#)

ليه؟ لان النبي صلى الله عليه وسلم كان اوفى لابي بكر من ابي بكر له يعني شف مرة آآ كما في الصحيحين من حديث ابي سعيد الخدري النبي صلى الله عليه وسلم سعد على المنبر وقال ان عبدا خيره الله بين زهرة الحياة الدنيا وبين ما عنده فاختر ما -

[00:31:56](#)

فبكى ابو بكر وقال نفديك بابائنا وامهاتنا يا رسول الله قال ابو سعيد فتعجبنا منه لماذا يبكي؟ الله هو النبي قال ايه؟ ده بيقول بس خبر كده ان فيه عبد من عباد الله ربنا خيره - [00:32:20](#)

ما بين الدنيا والاخرة معناها ايه؟ معناها يموت يعني. يعني خيره بين الحياة وايه؟ والموت ايه اللي فيها يعني؟ قال ابو سعيد فكان ابو بكر اعلمنا برسول الله وكان رسول الله هو المخير - [00:32:40](#)

فشوف لما الشفافية تصل الى درجة ان النبي صلى الله عليه وسلم لما عمم في الخطاب علم ابو بكر ان هذا مختص به عليه الصلاة والسلام والنبي صلى الله عليه وسلم حسم القضية وقال فاختر ما عنده - [00:33:03](#)

اختر الموت يعيشوا ازاى من غيره يعني؟ فهو النبي شف الحديس الجميل ده هو قال النبي صلى الله عليه وسلم في ايه بقى لما شاف ابو بكر ببكي قال ان امن الناس علي في صحبتته وذات يده ابو بكر - [00:33:19](#)

وله علي يد انا ما اعرفش اكافئه به يكافئه الله عز وجل بها ده مين العبد ده اللي ده النبي عليه الصلاة والسلام له فضل على الدنيا بحاله ما فيش حد ممكن يبقى له فضل على النبي ابدأ. هو النبي صلى الله عليه وسلم بيقول كلكم على بعضكم ما فيش حد له جميل علي. الا ابو بكر بس - [00:33:42](#)

هو ده اللي له كبير علي. انا ما اعرفش اديه لا استطيع ان اؤديه يكافئه الله عز وجل بها. فبكى ابو بكر زيادة على البكاء بتاعه. وقال يا رسول الله وهل انا ومالي الا - [00:34:06](#)

دي الوفاء ده اصل قاعدة الوفاء الحب. مش ممكن حد يبقى وفي الا اذا كان محبا الندب ما يبحبش بيكرهه عشان كده يببقى ندل يعد فيخلف ويؤتمن فيخون ويحدث فيكذب - [00:34:20](#)

فهم اتعلموا كده الوفاء من النبي عليه الصلاة والسلام. فكان المردود عليهم كان مردودا قويا. يعني اشوف مسل في الصحيحين من حديث ابي هريرة رضي الله عنه بينما النبي صلى الله عليه وسلم جالس في اصحابه وابو بكر وعمر والصحابة الكرام موجودين. اذ قص النبي صلى الله عليه وسلم عليهم رؤية - [00:34:45](#)

قال بينما انا نائم البارحة ورؤي الانبياء حق كما قال النبي صلى الله عليه وسلم اذ دخلت الجنة فرأيت قصرا وعليه جارية تتوضأ فقلت لمن هذا القصر؟ قالوا لعمر ومن هذه اللي بتتوضى ديت يعني - [00:35:06](#)
قالوا هذه زوجة عمر قال فذكرت غيرتك يا عمر فوليت مدبرا ادى ضهره على طول لما ايه لما عمر بيغار فهل رأيتم احدا يراعي اصحابه حتى في المنام يعني الوفاة بتاعه كمان حتى في المنام وهو نايم دخلت الجنة - [00:35:33](#)
حتى في المنام يقوم عمر بن الخطاب يبكي ويقول يا رسول الله اعليك اثار انا ممكن اغير منك ده انت الذي تحفظ الحرمات الواحد ممكن يغير على مراته من واحد ثاني بيص لها عايز يخطفها ولا يلهفها ولا مش عارف ايه هي حاجة ولا الكلام ده. ولا يخيبها عليه بس انت - [00:35:59](#)

يعني انا عليك اثار يا رسول الله القصة دي كلها اصل قاعدتها الحب وبالحب يعني ايه قال الله عز وجل قل يا ايها الذين تدعون المحبة ما كل واحد بيقول انا بحب النبي - [00:36:19](#)
حد يقول لي انا بكره النبي يكفر على طول. لو قال بكره النبي. يقول انا بحب النبي يقوم عامل حاجة يا بيه تخالف النبي برضه وهو ايه وهو شغال انا بحبك يا ندى - [00:36:47](#)
وجيب الطبل والزمر والبتاع ويحبك يا نابل في عيدي في مولد النبي والكلام والمزامير والرايات ها والموالد وبتاع وييجي في الفرقة قرا ولا فرقة جعفر ويقعدوا يطبلوا مزيكا طول الليل. طب المزيكا يا ابنائي حرامة عليكم. تقول له بحبك يا نبي وتعمل له كده! قال له ده يطلع ايه ده ان شاء - [00:36:59](#)

الله كلام فارغ ربنا سبحانه وتعالى حسم القضية في الاية دي. قل يا ايها الذين تدعون المحاب ان كنتم تحبون الله فاتبعوني. ادي حكم انت بتدعي محبة النبي صلى الله عليه وسلم؟ يبقى تتبع - [00:37:19](#)
لا اتصور ان تخالفه في شيه لسه بعض اخوانا الافاضل بيسألني آآ دلوقتي بيقول لي يعني ما عايش الناس بيسلموا على بعض في الجوامع بعد الصلاة لي حرما اللي الناس اتعودوا ايه؟ اتعودوا يقول لك حرما، يقول لك جمعا - [00:37:41](#)
ها يتوضا يقول لك زمزم بيلاحز هو ان ما عدش حد ايه ما عدوش يسلم على الراجل في الجوامع. فانا قلت له ايه؟ قلت له ان دي بدعة انك انت بعد ما تخلص صلاة تقوم تقول له تقول حرما اهي دي بدعة - [00:37:59](#)

طب انت بتقول حرما ليه؟ قال لك يا اخي بندعيه لبعض كده ان نصلبها في الحرم. يروحوا هم الاتنين وهم في الحرم يقول لك حرما. الله وانت عايز تروح فين بقى بعد حارة من دي بقى ما انت في المسجد الحرام اهو. عايز تروح فين - [00:38:22](#)
ها بقت عادة عند الناس صارت عند الناس عادة. لأ اصل البدعة ايه اصل واحد يقول لك يا اخي ايه الضرر اللي فيها يعني؟ هو انا اللي مؤمن حرما وما هو ده دعاء اهو ايه الاشكال اللي فيها يعني - [00:38:37](#)

ما نقول لك طيب طب ما تعرف لي ما هي البدع الاول عشان نعرف اذا كان فيها اشكال ولا لأها البدعة شيه كان له مقتضى في زمان النبي صلى الله عليه وسلم - [00:38:54](#)
وكان مقدورا له ان يفعله ولم يفعله معلى التعريف ده انا هفصصه كده وابينه لانه جميل وحلو شيه كان له مقتضى. له مقتضى يعني ايه؟ يعني له داعي دي اول حاجة. حاجة كان لها داعي زي مسلا دلوقتي ايه؟ يقول لك آآ عايزين نعمل ميكروفون. ليه؟ الجامع - [00:39:10](#)

وفي ناس بيصلوا في الشارع والكلام دهوت فاصبح وجود الميكروفونات له مقتضى ولا ما لوش؟ له مقتضى لان الناس اللي برة في الشارع يسمعو ازاى؟ ها يبقى المقتضى هو الداعي لوجود الشيه. تمام؟ وكان مقدورا له ان يفعله - [00:39:38](#)
ها كان يقدر يعملها وما عملوش طب انت بتعمل ايه بقى لما هم قاعدين جنب بعض كده كان في مقتضى يسلموا على بعض ويقولوا

حرما مسلا او يسلم عليه اه كان له مقتضى وهي الدعاء مش لما بيقول له حرما - [00:39:58](#)

معناها نصليها في الحرم ان شاء الله؟ مش ده دعاء؟ يبقى اذا كان له مقتضى اللي هو الدعاء يعني. طيب. كان مقدورا لهم ان كل

واحد يسلم على الثاني ولا صعب اوي - [00:40:21](#)

كان مقدورا عملوها؟ لأ ما عملوهاش. طب نعملها ازاى احنا بقى ما نقدرش نعملها. لان الامام ما لكا رحمه الله قال في في الحاجات

اللي بتحصل زي دي ما لم يكن يومئذ دينا فلا يكون اليوم دينا - [00:40:31](#)

احنا مش هنخترع اللي ما كانش دين ايام النبي ما يبقاش دين ايامين ما لم يكن يومئذ دينا فلا يكون اليوم دينا. النهاردة مسلا بعد

الاذان الثاني بعد الأيام الأولاني انا بشوف كتير من الناس بيقوموا يصلوا ركعتين - [00:40:51](#)

اهي دي لا اصل لها لا اصل لها. ما فيش حاجة اسمها سنة الجمعة القبلية الجمعة السنة بتاعتها بعدية. معروفة اربع ركعات. اللي عايز

يصلي الجمعة من كان مصليا منكم بعد الجمعة فليصلي اربعا. كلام النبي عليه الصلاة - [00:41:11](#)

سلام لكن اول ما تدخل المسجد بتصلي ركعتين تحية المسجد وتقعده ما تقومش ثاني يدن الاذان تقوم ثاني بدعة فواحد يقول لك يا

اخي طب ابن مسعود كان بيصلي قبل الجمعة تمن ركعات - [00:41:28](#)

اقول لك ما فيش مانع من اول ما تدخل تفضل تصلي لحد ما الخطيب يطلع. لكن تصلي وتقعده ويدن الاذان تقوم تصلي ثاني هي دي

البدعة بقى ما فيش مانع تصلي من ساعة ما تدخل الجامع. افضل صل لحد ما الامام يقول السلام عليكم ورحمة الله - [00:41:48](#)

افضل صل براحتك لكن تصلي ركعتين وتقوم قاعد ولما يدن الاذان تصلي ركعتين كمان الكلام ده لا يجوز. بدعة ما كانش الكلام ده

على ايام النبي صلى الله عليه وسلم. اذا البدعة - [00:42:06](#)

في تشريع ما لم يأذن به الله ورسوله يبقى انت كالك بتعبد ربنا بشرع خالص بعيد خالص عن شرع النبي. ما هو اهو ده معنى البدعة

هذا هو معنى الايه؟ معنى البدعة. ما هو احنا عشان واحد جه واحد يقول لي ايه؟ البدعة يا اخي ايه دليل التحريم يا اخي -

[00:42:19](#)

اقول لك لأ الدليل المطالب بالدليل اللي بيعمل الحاجة. انت قمت تصلي فانت المطالب بالدليل ها الفاعل هو المطالب بالايه؟ مطالب

بدليل مطالب باثبات لماذا تفعل هذا والنبي صلى الله عليه وسلم كان يقول الا ان كل محدثة بدعة - [00:42:40](#)

وكل بدعة ضلالة وكل ضلالة في النار وكان يقول اياكم ومحدثات الامور وكان يقول كل عمل ليس عليه امرنا فهو رد. مردود على

صاحبه عشان كده الاتباع بقى قل ان كنتم تحبون الله فاتبعوني - [00:43:04](#)

يحببكم الله. اهي دي الثمرة العظيمة جدا اللي احنا هناخدھا. يبقى الاتباع يجيب الحب. الاتباع الاول الحب هو ثمرة الايه؟ ثمرة

الاتباع. لا اتصور ابدأ حبا يخالف. حتى لو كان هذا الفعل على هوى نفسه - [00:43:29](#)

انت بتحب تعمل كده. بس الرسول صلى الله عليه وسلم يا اخي قال لك لأ. يعني انا دلوقتي عايز ارفع رجلي سؤال حد قال لك ارفع

رجلك ده تشبيه يعني حاجة مسل يعني - [00:43:55](#)

حد قال لفريق عايز تعمل اي عبادة من العبادات. مأذون لك اولاً ولا لأ؟ مأذون. من اللي اذن لك؟ وفي دليل الاذن ده احنا بنعمل الكلام

ده في حياتنا العادية. تروح تقول لواحد انا عايز ابيع الارض الفلانية. يقول لي معك توكيل - [00:44:12](#)

دليل يعني انك انت حر التصرف في مال فلان. ايوه معي توكيل اتفضل. لو في اي خدش ها الختم مش باين اعرق كوباية وقام خاتم

بهم ولا مش عارف اي حاجة يقول لك لأ - [00:44:34](#)

اي خدش يقول لك لابد من دليل اثبات انك انت لك مطلق التصرف في مال فلان او حياة فلان او الكلام ده ما هي العبادة كده شف

الفرق بين العبادة وبين المباحات. الاصل في العبادات احفروا القاعدة دي زي قل هو الله احد كده - [00:44:46](#)

لانها هنتجينا من كتير من المخالفات الاصل في العبادات المنع حتى يرد دليل بالاذن. والاصل في الاشياء الاباحة حتى يرد دليل بالمنع

يبقى انا عندي عبادة وعندي شيه. طيب شيه زي ايه؟ قال لك البيوع - [00:45:07](#)

البيوع الاصل فيها الحلم ها المطاعم والمشارب الاصل فيها الحل حتى يرد دليل يقول لك الاكلة دي بالزات لأ الشورية دي بالزات لأ

ولذلك تلاقي المباحات من المطاعم والمشارب اكثر مليون مرة من المحرمات - [00:45:40](#)

هو ايه المحرم علينا في الاكل؟ انما حرم عليكم الميتة والدم ولحم الخنزير وما اهل به لغير الله والمنخقة والموقودة والمتردية والنطيحة وما اكل السد وما ذبح على النصب. ها؟ كل دي محرمات. وهيحرم عليك انك انت ايه؟ تشرب الخمر - [00:46:08](#)

لو حبيت تعد اجناس المحرمات علينا من اجناس المباحات مش هتطلع فيه نسبة مئوية فالاصل في كل طعام انه حلال الا ان يرد دليل بانه حرام جبت كيلو لحمة من عند الجزار. حطيته في البيت نسيته - [00:46:28](#)

عفن وصار جيفة تاكله اهو ما تاكلوش. ليه طراً عليه وصف مانع طلع عليه وصف ايه؟ مانع يبقى الاصل في المباحات في الاصل في الاشياء زي المطاعم والمشارك والبيوع البيوع اللي كنا نبيع ونشتري. الاصل فيها الحلال الا انواع معينة من بيوع تتعدى على اصابع اليدين - [00:46:54](#)

اما كل انواع الحاجات في الدنيا بتتباع وتشتري اجناسها لا يمكن تعرف تعد اللي بيتباع ويتشاري ايه بتعرفش عدة البقال مسلا او بتاع الخردوات او مش عارف ايه لو حب يعد الايه اللي في البقالة لو عنده حاجة ضخمة ولا بتاع ما يعرفش يعني ايه يجيبها بصعوبة يعني. فما بالك بما في الارض جميعا - [00:47:25](#)

ده الاشياء لكن العبادات بقى قال لك الاصل فيها المنع. ليه؟ قال لك لان لا تدري ما الذي يحبه الله ويرضاه. جايز تعمل حاجة انت تتصور انك تتقرب بها الى الله ويكون ربنا بيكرهك - [00:47:46](#)

وانت ايش عرفك ربنا بيحب ديت؟ الا عن طريق رسول يرسله اليك يقول لك ربنا عز وجل بيحب كذا وبيكره كذا يبقى انا لا استطيع ان اتقرب الى الله من بمزاجي كده. تطق في دماغي ان انا اعمل حاجة معينة اتقرب بها الى الله تقوم ايه - [00:48:07](#)

اقوم اعملها نعيش زي الاعرابي اللي هو لما كانوا راكبين سفينة كلهم وكده وهبت ريح العاصف وهتغرق السفينة بتاع اسفين قال يا جماعة كل واحد بقى ينذر لله كده ربنا نجانا يطلع حاجة لله. ها صدقة يطلع بتاع الكلام دوت - [00:48:25](#)

بقى ان الناس اللي راكبين في السماء كلهم آآ كل واحد معه قرشين وبتاع الا واحد اعرابي ما كنش معه ولا مليم. ها جيبه نضيف تماما قال اللهم انه ليس عندي شيه اقدمه. لكن امرأتي طالق لوجهك ثلاثا. طب وياه هتقرب - [00:48:45](#)

الست هو ده هو ده قربة الى الله؟ ها لأ فاحنا ممكن نفعل اشياء نتصور اننا نتقرب اليها الى الله وهي مش قربة اصلا فيوم اللي يعرفك ان ربنا بيحب دي وبيكره دي مين - [00:49:05](#)

هو الرسول عليه الصلاة والسلام عشان كده قام قال ايه؟ فاتبعوني اهو. يحبكم الله فالاصل في العبادات المنع. ما اقدرش ارفع رجلي في العبادات الا اذا كان مأزون لي ارفعه - [00:49:22](#)

طب احطها فين؟ قال لك اوعى تحطها على الارض لحد ما يقول لك حطها في المكان الفلاني. ها جايز تحطها هنا يكون غلط يقول لك حطها هنا. او حطها هنا - [00:49:36](#)

يبقى العبادات الانسان مكتتف فيها ما يعرفش يتصرف ما يعرفش كان فيه مرة واحد اعرفه كان بيصلي معنا مسجد زراعة زمان كان بعد ما يصلي الظهر لازم يسجد سجدة لمدة بييجي خمس دقائق كده - [00:49:50](#)

فانا لاحزت المسألة دي مرتين ثلاثة فكلتمته قلت له انت بعد كل ظهر تسجد ايه؟ السجدة الطويلة دي. ليه؟ قال هو هو مش ربنا قال فاسجد واقترب والنبي عليه الصلاة والسلام قال ان ايه؟ اقرب ان اقرب ما يكون العبد من ربه وهو ايه؟ وهو ساجد. فانا لما ادعو وانا ساجد دعائي يستجاب - [00:50:10](#)

اقرب الى الاجابة قلت له ماشي كلام جميل بس النبي صلى الله عليه وسلم كان اذا دعا سجد عملها خالص دي ابدًا ما عملهاش الا في الصلاة. وهو يصلي. وهو بيصلي وهو ساجد يدعو كما يشاء. لكن هو دلوقتي مش في صلاة يسجد ليه - [00:50:40](#)

ما هو ادعية النبي صلى الله عليه وسلم كلها كثيرة ولا نعلم في خبر من الاخبار انه سجد اذا اراد ان يدعو. يبقى انت مخترع بقى فهذا لا يجوز لك. قال معلش - [00:51:02](#)

كل واحد ادري بنفسه دي بقى بتوصلني هتوصلك لفين يا ابني؟ ده ده ربنا عز وجل بيقول فاتبعوني يحبكم الله. انت عايز توصل

لفين بقى ؟ انت طبعاً مش ماشي في السكة الصح. انت ماشي في السكة الغلط. عايز توصل لفين بقى - [00:51:16](#)
فده مزاج ها حاجة طقت في دماغه وشاف ان هو كده مبسوط بها والكلام ده فيبادر يعملها. اقول لك لأ نرجع للقاعدة بتاعتنا الاصل
في العبادات المنع حتى يرد دليل بالاذن - [00:51:39](#)

اي عبادة انت ممنوع تعملها لحد ما يأمرك سيدك يقول انا ارضى عن هذه ولا ارضى عن هذه تتخذ تتقي مسأخطة سبحانه وتعالى
وتبادر الى مرضيه وكمان الحب ده بيخلي خطوتك سريعة جداً. حتى لو كنت عند الناس بطيئاً - [00:51:58](#)
ودي من العجايب احدى العجايب شف الشاعر الراجز بيقول ايه من لي بمثل سيرك المدلل ها من لي بمثل سيرك المدلل تمشي هويها
وتجيب الاول ازاي يعني بيقول له انت بتعمل حاجة غريبة. ماشي على مهلك وبتطلع الاول. اما قل لي ازاي يعني - [00:52:25](#)
طب ده اللي ماشيين معك بيجروا وسابقينك قال لك القصة مش قصة ان انا اصلي آ سبعين ركعة. القصة ان انا هاصلي ركعتين بس
بس احسن من السبعين بتوعك عمار ابن ياسر رضي الله عنه صلى صلاة خفيفة كما في السنن وغيرها. فلما صلى صلاة خفيفة كده
ومشي فواحد قال له ايه - [00:53:02](#)

قال له يا ابا اليقظان كنية عمار. لقد صليت صلاة خفيفة قال نعم ولكني دعوت فيها بدعواتها وذكر له دعاء علمه النبي صلى الله
عليه وسلم اياه. فقال له اه صحيح خفيفة صحيح. بس انا دعيت فيها دعاء ثقيل - [00:53:25](#)
فهو لما يبقى ماشي على مهله ها ويطلع الاول تيجي ازاي ديت؟ محب فالحب يولد الاخلاص على طول. وشف موسى عليه السلام لما
ذهب الى ميقات ربه مع السبعين من بني اسرائيل - [00:53:46](#)
ما استحلمش الخطوة بتاعتهم. ماشيين على مهلهم وموسى عليه السلام عايز يصل الى ميقات ربه مشتاق ها فسبقهم فربنا بيقول له
ايه؟ وما اعجلك عن قومك يا موسى! ايه اللي خلك تيجي بدري كده وتسبقه وتيجي؟ قال هم اولئك على اثري وعجلت اليك -
[00:54:04](#)

يا رب لترضى طبيعة المحب لما يشوف حبيبه عايز الحنة دي تبص تلاقي اول واحد في الطابور. شكر يكون ثاني واحد ولا تالت واحد
ولا رابع واحد ولا الكلام ده ها؟ فاكرين زمان في - [00:54:27](#)
الستينيات لما كان طوابير الجمعية مشهور طوابير الجمعية وواحدة اسمها الدلالة. الدلالة دي بقى اللي انت ايه متخصصة في معرفة
تقف امتي في طابور وتجب امتي وترتب الاوضاع وتجب لك السمك الروسي وتجب لك الفراخ المجمدة والكلام ده في الجمعيات
ايام الستينيات يمكن كثير من اخواننا يعني مولودين بعد - [00:54:39](#)
الزمن الغابر ده ها او الاغبر فتبص تلاقي من الفجر العالم تصلي الفجر وتقف على باب الجمعية. طب الجمعية بتفتح الساعة كم؟ تسعة
يعني يفضل من الساعة خمسة للساعة تسعة اربع ساعات علشان فرخة - [00:54:59](#)

هو عايزها عشان اكل عياله. عنده حاجة نعمل حاجة زي كده. حتى اشتهرت نكتة زمان بسبب الطوابير والكلام. بيقول لك كان هو
واحد رايح الشغل وبعدين لقي الجزمة بتلق في رجليه. فبيبص لقي ايه ما ربططش الرباط كويس. فقام واقف في مكانه يعني ما
يعرفش واقف فين - [00:55:19](#)

وقف في مكانه وعمال يعمل الرواتشي بقى وبتاع يتأثق فيه بقى وانت عارف زمان كان الجزمة مزاج واللبس بمزاج وكان حاجة
مزاج دلوقتي اقلب يعني ها المهم على ما شنت الجزمة والرباط وبتاع مش عارف ايه بيقف كده بيبص لقي وراه يجي عشرة ها
وبيبص لقي نفسه قدام - [00:55:36](#)

قدام جمعية ومش قدام جمعية فوقف كده وقال ايه؟ طب ايه اللي يخيلني امشي؟ طب ده انا الاول في الطابور. ها؟ جايز يكونوا
بيوزعوا حاجة ولا بتاع. وقام واقف ها كانت نكتة ايه بتداول ايام زمان على قصة طابور الجمعية ومش عارف ايه طب ده راجل
محتاج حاجة معينة اهوت قام واقف لها اربع ساعات. اربع ساعات - [00:56:01](#)

ويجي في الصلاة لو الامام طول شوية عمال ينفث استغفر الله العظيم. ومرة واحد يعني ضيع علي صلاتي وباصلي جنبه كل شوية
ينفخ اللي ينفخ يعني خلاص هو بينفخ انا مش واخذ بالي بينفخ من ايه؟ لحد ما بدأ يتكلم يكلم نفسه بقى. استغفر الله العظيم

استغفر الله العظيم استغفر الله - [00:56:24](#)

ابن ستين في سبعين خلس بقى. ها واول ما خلس صلاة خلصنا صلاة قام طالع في الابه؟ في الامام الغلبان المسكين ده يا اخي من ام بالناس فليخفف مش عارف ايه الكلام لو علي اقف معك للصبح لكن في ناس مرضى وناس غلابة في الجامع الله! هو حد آآ قال لك - [00:56:46](#)

اتكلم باسم هؤلاء الناس ها هو اللي عمال ينفخ ويعمل وبتاع والكلام ده عشان مش قادر يقف في البتاع ويقوم يقف على طابور الجمعية اربع ساعات مش هييجيب فرخة هو ده علامة المحب. فانا عايز اقول لكم يا اخوانا اذا كنتم اذا كنا بقى عايزين ننتصر بقى ونطلع من الزل والعار اللي احنا فيه النهاردة واحنا - [00:57:06](#)

فكل يوم اللقمة بقت مرة. لما بتشوف فضائيات بتشوف بيعملوا ايه في دلوقتي اليهود في البلدة القديمة وبيعملوه وخلص هيمسحوها والكلام ده. انت نفسك ما بتعرفش تاكل. اللقمة مرة لكن عاجز مكبل مش قادر تعمل حاجة - [00:57:25](#) وهنفضل في الهزيمة دي لحد امتى؟ ما تعمل حاجة يا اخي. اعمل حاجة في مقدورك. في مقدورك لم عيالك واقعد كلم عيالك عن هموم الامة وعن حتى لو ما بتعملش يا اخي بها. حتى لو انت عاجز انك تفعل الكلام ده. لم عيالك واتكلم عن قضايا الامة. اتكلم عن هذا الدين المتين - [00:57:42](#)

ان الذي انزله الله سبحانه وتعالى وجعله وجعل النبي صلى الله عليه وسلم خاتمة الرسل والقرآن خاتمة الكتب. وهو الدين الذي ارتضاه الله عز وجل للانبياء جميعا. من بلاد ابن ادم عليه السلام لحد - [00:58:00](#) تقوم الساعة وهو الاسلام وتعلم ولادك الحب بذرة الحب. النبي صلى الله عليه وسلم يا ابني امر بكزا عملها. بس ما تقولش وانت مخالف بقى. يعني مسلا ما تبتعوش يجيب علبة سجائر - [00:58:12](#)

ها والتدخين حرام. ما تبقاش يجيب المعسل والجوزة حرام. ها؟ وهذه الاشياء ما تقوليش يا ابني عيب النبي صلى الله عليه وسلم يا ابني نهى عن الذهب للرجال وانت لابس ديل ذهب! برضه عشان يبقى كلامي له مصداقية. فنحن اذا علمنا اولادنا - [00:58:25](#) من من الصغر معنى الحب كل العبادات تخف. الجهاد نفسه بيخف شف سعد بن انس بن النضر رايح في الجهاد والجهاد معروف ان القتل آآ يعني آآ ومن ظن ممن لا يلاقي الحروب بالا يصاب - [00:58:45](#)

فقد ظن عجزه. يعني اللي بيروح الحرب بيعمل حسابه انه مش هيرجع يوم انس ابن النضر في غزوة احد لقي سعد ابن معاذ يقول له وها يا سعد اني لاشم ريح الجنة دون احد - [00:59:02](#)

انا اشم ريحة الجنة فقاتل حتى قتل. اخته الربيع ما عرفتوش. ما عرفتش تميز مين الشخص ده؟ الا بينانه باطراف اصابعه وشه ضايع وجدوا فيه ثمانين طعنة ورمية برمح وضربة بسيف - [00:59:17](#)

فده راجل رايح عشان يموت نفسه يموت ليه؟ عشان عارف ان الجنة بعدها وواحد قال للنبي صلى الله عليه وسلم وكان معه تمره كده شوية تمرات في جيبه عمال ياكل فيهم على ما القتال يشب يعني. فقال يا رسول الله - [00:59:42](#)

آآ ما لي عند ربي ان قتلت في سبيلي. قال لك الجنة فقال انها لحياة طويلة حتى اكل هذه التمرات. عغمس تمرات ده انا لسة هاكلهم تقاتل حتى قتل ايه اللي يخليه يدخل وهو يعلم انه سيقتل؟ ايه اللي خلاه يقدم على هذا؟ المحبة - [01:00:00](#)

المحبة دي ناتجها تصديق الوعد والوعد. وهذا له يعني آآ كلام اخر. طويل. اسأل الله تبارك وتعالى ان ينفعنا واياكم بما علمنا وان يعلمنا ما جهلنا. اقول قولتي هذا واستغفر الله العظيم - [01:00:24](#)